



Bosna i Hercegovina  
Federacija Bosne i Hercegovine  
Kanton Sarajevo  
OPĆINA VOGOŠĆA  
**OPĆINSKI NAČELNIK**



---

Vogošća, ul. Jošanička br. 80, tel: 00387 33 586-410, fax: 586-444

Na osnovu člana 15. stav 1. tačka 2. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj : 49/06 i 51/09, te člana 71. stav 2. tačka 1. Statuta Općine Vogošća ("Službene novine Kantona Sarajevo", broj: 27/14 – Prečišćeni tekst, 14/15 i 9/20), Općinski načelnik raspisuje

**JAVNI POZIV**  
**udruženjima/fondacijama (organizacijama civilnog društva/nevladinim organizacijama)**  
**za realizaciju projekta Centra za zdravo starenje Vogošća**

Općina Vogošća (u daljem tekstu: Općina) poziva sva udruženja/fondacije, odnosno organizacije civilnog društva (OCD)/nevladine organizacije (NVO) da dostave prijedloge projekata iz oblasti:

1. Promocija zdravlja i poboljšanje kvaliteta života osoba treće životne dobi,
2. Poboljšanje socijalne uključenosti osoba treće životne dobi u zajednicu i društvo.

Finansijska sredstva za odobreni prijedlog realizacije projekta iznositi će do 30.000,00 KM (konvertibilnih maraka). Općina zadržava pravo da poništi Javni poziv u slučaju da prijedlozi projekta ne zadovoljavaju zadane kriterije kao i pravo izmjene iznosa odobrenih finansijskih sredstava u skladu sa budžetskim sredstvima Općine. Dužina trajanja projekta je 12 mjeseci. Izabrani projekat trebalo bi da se provede u toku 12 mjeseci sa mogućnošću produženja maksimalno do 12 mjeseci pod istim uslovima.

### **LOKACIJA**

Projekat će biti implementiran na području općine Vogošća, u objektu koji je namjenjen za Centar za zdravo starenje na lokaciji MZ Vogošća II, adresa Branilaca Vijenca br.2.

### **PRAVO UČEŠĆA**

Udruženja i fondacije koji su:

- a) Osnovani i registrovani u BiH,
- b) vođeni od strane državljanina BiH (da se u upravnim tijelima nalaze državljani BiH),
- c) sjedište udruženja na području općine Vogošća u posljednje 2 godine,
- d) aplikant djeluje na području općine Vogošća,
- e) aplicirali sa projektima namjenjenim građanima Vogošće,
- f) ne obavljaju aktivnosti u ime političkih partija.

## **OBAVEZNA DOKUMENTACIJA**

- a) pregled budžeta,
- b) plan aktivnosti po mjesecima,
- c) administrativni podaci o aplikantu,
- d) finansijska identifikaciona forma,
- e) izjava o podobnosti
- f) prijedlog projekta

## **DODATNA DOKUMENTACIJA**

- a) rješenje o registraciji aplikanta (original ili ovjerena kopija rješenja),
- b) identifikacioni broj,
- c) ovjerena kopija lične karte ovlaštene osobe,
- d) uvjerenje o izmirenim poreskim obavezama (original ili ovjerena kopija uvjerenja izdatog od strane poreske uprave),
- e) uvjerenje o izmirenim doprinosima za zaposlene, ako ima zaposlenih u organizaciji (ako nema zaposlenih priložiti izjavu da nema zaposlenih),
- f) završni godišnji finansijski izvještaj za prethodnu godinu (bilans stanja i bilans uspjeha),
- g) podaci o osobama koja realizuju projekat (kraći CV sa dokazima),
- h) drugi dokumenti koji mogu biti relevantni.

## **APLIKANTI KOJI SE NEĆE FINANSIRATI**

- a) aplikanti koji nisu izvršili svoje obaveze po ranije odobrenim projektima finansiranim iz budžeta Općine,
- b) aplikanti čiji projekti koji se isključivo odnose na jednokratne manifestacije,
- c) aplikanti čiji se projekti odnose na finansiranje redovnih aktivnosti podnosioca projektnog prijedloga ili njihovih partnera,
- d) projekti kojima je predviđen dio administrativnih troškova (ljudski resursi, putovanja/prevoz, kancelarijski troškovi) veći od 20 % od ukupnih troškova projekta,
- e) projekti koji predstavljaju individualna sponzorstva/stipendije za školovanje ili za učestvovanje u radionicama, seminarima, konferencijama, kongresima, trening kursovima,
- f) projekti koji su usmjereni prema političkim aktivnostima,
- g) projekti koji su namijenjeni za isključivu dobit pojedinca,
- h) projekti koji se zasnivaju na dodjeljivanju sredstava trećoj strani.

## **PREUZIMANJE DOKUMENTACIJE**

Dokumentacija i informacije vezane za prijavu na Javni poziv, mogu se preuzeti sa službene web stranice Općine [www.vogosca.ba](http://www.vogosca.ba) ili lično u Općini - Služba za boračko-invalidsku i socijalnu zaštitu, soba 42, ulica Jošanička broj 80, 71320 Sarajevo.

## PREDAJA APLIKACIJA

Popunjena aplikacija sa kompletnom dokumentacijom mora se dostaviti u dva (2) primjerka u štampanoj formi i jedan u elektronskoj formi (CD ili USB) u zatvorenoj koverti sa naznakom: „za Javni poziv za realizaciju projekta Centra za zdravo starenje Vogošća“, preporučeno poštom ili na protokol Općine od ponedjeljka do petka, na sljedeću adresu: Općina Vogošća, ul. Jošanička br.80, 71320 Vogošća. Na koverti mora biti naznačen: naziv javnog poziva i navod „Ne otvarati“.

Rok za predaju aplikacija/prijava je deset (10) dana od dana objavljivanja Javnog poziva. Aplikacije dostavljene nakon navedenog roka bit će razmatrane jedino u slučaju da poštanski žig ukazuje na datum slanja prije zvaničnog isteka roka. O primljenoj pošiljci u Općini vodit će se uredna evidencija i izdavati potvrde o prijemu. Svi aplikanti koji su predali prijedloge koji su prihvaćeni ili odbijeni, bit će obaviješteni u pisanoj formi o odluci u vezi s njihovim prijedlogom projekta. Pristigle prijedloge razmotrit će i procjeniti Komisija za ocjenjivanje, imenovana od strane Općinskog načelnika. Rezultati će biti objavljeni na na web stranici Općine Vogošća, kao i na oglasnoj ploči Općine.

Broj: 02-31-23/24  
Vogošća, 08.01.2024. godine

